

OSISCHEKLEL A KRISTO

Aosischeklel a Jesus Kristo el ngar er a Biblia a kmal meketeketang el uchul a ungil lomeruul el mo er a rechad. Ngar er ngii a lmuut el bebil er a osischeklel a Osobel el ombil a chedaol llechukl—el Babier er a Mormon: Tiang a Dirrek el Ouchais er a Jesus Kristo. Aikang a meskau a diak a ulebengelel budech me a deourenge e meskau a rael el mo omtebechel er a klengar kau.

Al soam a di tada el Babier er a Mormon: Tiang a Dirrek el Ouchais el Kirel a Jesus Kristo, e bo er tiakid el Web site el llechukl riou:

IKELESIA ER A
JESUS KRISTO
ER A URIUL-KLEBESEI
EL SANTO

www.mormon.org

CHISEL A KLAUMERANG ER A PROFET **JOSEPH SMITH**

Ikelesia er a Jesus Kristo er a
Uriul-klebesei el Santo



Joseph Smith: Profet er a Dios

A Joseph Smith er a lteruich me a euang a rekil, eng mle soal el mo medengei el kmo ngerang el ikelesia a bol chad er ngii, me nguleker er a Dios lokiu a nglunguuch. A mle nger er a nglunguchel, ea Dios el Chedam me a Ngelekel, el Jesus Kristo a mlo duum er a Joseph e ulechotii el kmo a meral Ikelesia er a Jesus Kristo a dimlak el ngar er a beluulechad e tir a mla ngiltii a Joseph el mo olutii.

Seikid el sils, ea Joseph a mlo meruul a urerel a Dios, el oureor el mengetmocl er a Ikelesia er a Jesus Kristo er a Uriul-kebesei el Santo e mo kutmeklii a rengedel a Dios er a beluulechad er a tia el uriul kebesei. Tirke el blak a rengrir el chad er a Ikelesia a sioning el kmo a Jesus Kristo a Osobeled e Osobeled a beluulechad. A Jesus a omekrael er a Ikelesia er Ngii er chelechal sils lokiu a ocholt el mo er a reprofet el ngar er a beluulechad. A Joseph Smith a mle ta er tirka el profet. A Joseph Smith a kiltmocl



Tia er a lomdaso el kmo ngerang el ikelesia abol chad er ngii, ea Joseph a mlo osiik a ngeso er a Biblia. Tiaikid eng chiliuii a, "Moker er a Dios."

a kmal meklou el teкои er a klengar ngii, eng di sel kmal klou a belkul a sel blak el reng er ngii el mle oltirakl e sioning er a Jesus Kristo. A profet Joseph Smith me a Sidney Rigdon a dilung el kmo er a uriul er a betok el olechotel a klaumerang er a Osobel a lemedung, e te kol dillii a olechotel a klaumerang er tir, el kmo Ngii a ngar (mesang a D&C 76:22).

Tirke el nguu a klaumerang er a Profet lokiu a Chedaol Reng a mo medengeli a klemerang el kirel a ureor el ngii a mlokedong el mo meruul er ngii. Ng dirrek el sebecherir el mo medengeli a budech me a deourenge el ngar er a Osobel el Jesus Kristo el mei, el ngii a Joseph Smith a mengull e mesiou er ngii.

Ngerang El Ikelesia A Klemerang?

A Joseph Smith a milechell er a 1805 er a beluu er a Sharon, Vermont. Sel taem er a lomuchel tia el cheldechoduch, eng mle teruich me a euang a rekil, el kiei lobengkel a telungalek er ngii er a New York, e kmal mle blak a rengul losiik el kmo ngerang el ikelesia a bol chad er ngii. Tiaikid a teleta el dilubech el mo er a Joseph, el kmal di tekingel el ngii a liluches.

Chelsel tiaikid el taem el knga er a rrau reng ea kmal mlo meringel el lomdaso e dirrek el ua blo el rrau a renguk. . . . mak mle blechoel kmo: Ngerang a kirel meketmocl? Ngerang er a ika el chelehad a klemerang, me a lechub, e ngii eng rokiu el di mekngit? Alsekum eng ngar er ngii a klemerang er ngii, e ngerang er ngii, ea kmekerang e mo medengei?

Tiaikid er a lsal meringel a uldesuek el kirel a klekakerous er a ika el klechelid, ea ta er a klebesei eak milenguui er a Babier er a Jakobus, kot el bliongel er a eim el bades, el kmo: "A lengar ngii er kemiu a ngesonges er a llomes, e bo loker er a Dios, el ngii a kmal mui el mesterir a rokui el chad, el diak longreos, meng mo er ngii er a chad."

Ng diak a ngii dil bades er a chedaol llechukl el kmal mlo mesisiich a klisichel el mo er a rengul a chad el uai tia el mle er ngak. Ng kmal mle mesisiich a klisichel el blo kulchesuar er a

chelsel a renguk. Ak mle blechoel el melbedebek er ngii, e mlo medengei el kmo alsekum eng ngar er ngii a chad el ousbech a llomes er a Dios, eng ngak, eng di ng dimlak kudengei el kmo ak mekerang, eng di alsekum eng diak kngai a lmuut el bebil er a llomes, eng locha diak bo kudengei; e le tirka el sensei er a ika el kakerous el klechelid a mle kakerous a klaodengei er tir er a osisiu el bades er a chedaol llechukl e kautok a nger er tir el kirel a ker el melutk a ngar er a chelsel a Biblia.

Me ak mocha tibir er a renguk el kmo ng sebechek el di melemolem el ngar er a ilkol me a rrau reng, me a lechub ea kmo otireklii a tekingel a Jakobus, el ngak, a mo oker er a Dios. Me ak mocha tibir er a renguk el mo “oker er a Dios,” el medengei el kmo alsekum eng ngomesterir a llomes el mo er tirke el ngesonges er a llomes, el di mededaes el mesterir, el diak longreos, e msall e kulasm er ngii.

Kot el Ues er a Joseph Smith

Me a kulturakl, er sel blak el reng er ngak el mo oker er a Dios, me ak mlo er a oreomel el mlo melasm er ngii. Tiang a kmal mle klebokel el tutau, ungil a eanged, er a dirk



uchelel a rak er a tal telael me a eiai el dart me a lluich. Tiang a mle ketengek er a klengar er ngak el meruul er a uaise el teletael, e le rokui el ringel el blak bo er ngii eng kmal dirkak a tang me el klou a ngerek el meluluuch.

A chimong er tir . . . a dilung el kmo, e melutk er a tang—“Ngkakid a Betik er a Renguk el Ngelekek. Mrengesii!”

Tia er a kbochang er tia el basio el ngii a kulemdaso a mong, e kumes el meliuekl, eng di ngak el tang, ea kmocha outubaruach e mocha odersii a renguk me a urungulek el mo er a Dios. Ngua dirk kulemichel, eak kmal di mle mereched

el mengai er a kmong ngerang el mesisiich el klisiich el lolkemekem er ngak, el kmal mesisiich a klisichel el uaia rengedii a urak meng diak el sebechek el mengedecheduch. Ea kmal klou el ilkol a mlo iliuekl er ngak, el kulmelchesiu er ngak eng uaia kmetemellang.

Eng di a kmal di mlo ultuil er a rokui el klisichek e omekedong er a Dios me lengebetak er tia el klisichel a cherarou el nga er ngak. Chelsel tia el taem el kumdesuang el kmo ak locha metemellang-el diak ko er a di omerous er ngii, eng di ng tial klisichel a kmo ngerang, el ngii a kmal mesisiich el dirkak a tal kulchesuar a klisiich el uai ngii. Chelsel tiaikid el meringel el taem, eak milsang a dichel a llomes er a bebul a bteluk, el ngar bebul a dichel a sils, el mekekakil el merael el me ruebet er bebuk.

Eng di chelsel tia el llomes ea kmiltik er ngak el mla mengubet er ngika el cherarou el ngii a ulereked er ngak. Tia el llomes er a lemermang er ngak eak milsterir a terung el Chad, el llomes el nga er tir me a klebkall a diak a ngerang el smodii, el dechor era mellaongel a chutem. A Chimong er tir a milngedecheduch er ngak, el ulemekedong er ngak er a ngklek e kmo, e melutk el mo er gika el chimong—“Ngikang a Betik er a Renguk el Ngelekek. Mrengesii!”



Sel kmal moktek er ngak eak mlo oker er a Rubak a mle soak el mo medengei el kmo ngerang er a ika el ikelesia a klemerang, me bo kudengei el kmo ngerang er ngii a bok chad er ngii. Ng di mle telkib, ea ko er a, mocha medengelii a renguk, e mocha sebechek el mengedecheduch, me ak mocha oker er tirka el Chad el mle dechor medak, el kmo ngerang er a ika el ikelesia a klemerang (e le tiaikid el taem eng dimlak kudengei el kmo aika el rokui a diak el klemerang)—me bok chad er ngii.

Ak ngiluu a nger el kmo ng diak a ta er ngii el bok chad er ngii, e le ngii rokui a diak el klemerang, e tirka el Chad el milngedecheduch er ngak a dilu el kmo aike el rokui el

klaumerang er tir a diak lungil er a rengul; el tirke el chad lolisechakl a di mekngit; el tir a: “di omelkingir a kmeed er ngak, eng di a rengrir a cheroid er ngak, e le te olisechakl a osischeklel a chad, el di obang a tekingel a klechelid, eng di te diak loumerang er a kliiich el ngar er ngii.”

Ngii a liluut el kmu er ngak el kmo ng diak a ta er ngii el bok chad er ngii; e dirrek el kmal betok el tekoi a le dilung er ngak el ngii a diak el sebechek el lmuches er chelechal taem. Tia er a bocha kudengelii a renguk, eak miltik er ngak el mechiuau el dengarch, e lomes er a babeluades. Tia er a riid tia el llomes, eng diak a klisichel a bedengek; eng di ng dimle telkib ea klmuet el ngmai a klisichek, e merolang el mo remei.

Ongarm

A Joseph a ulerrenges er a Dios e dimlak el bo el teloi er a ngii di el ikelesia. Se er a louchais er a rechad er a bla el ues me a rrenges, eng mocha omelchesiu a ringel me a ongarm el mei er ngii.

Ak di mle mereched el mo medengei el kmo tia el cheldechchedak a rilterir a rebekel berobesong er a tekoi er a klechelid el mo olengasech a rengrir er ngak, e uaia leblo el uchul a ongarm, el di mirael el meleketek; e ngak el kekerei el buik el diak a rekmal medengelekak, el nga er a teruich me a euang el mo teruich me a eim a rekik, me a teletelel a klengar el kngar ngii el kekerei el buik el diak a belkuk er tia el beluulechad, eng di a rengarbab el chad a kemandet osengir ngak e mesaod er ngak el mo er a rechad er a beluu, e meruul a ongarm el mei er ngak; e tiang a kmal mle teletael er a ika el rokui el ikelesia—el mla mo dmak e omekringel er ngak.

Tiang a kmal rirelak el mo meringel el omdaso, e chelechal taem eak kmal dirk omdaso er ngii, el ko er a kmal ngodech el tekoi el kekerei el buik el diak a re kmal medengelii, el di telkib el betok a rekil er a teruich me a euang, el ngii, a dirrek, el kirel meringel el oureor el mesiou er a klengar ngii, a dirrek el rechad a mo omdaso el kmo ngar er ngii a belkul el mo uchul omelekoi er a

rengarbab el chad er a ike el kmal chetengakl el ikelesia er sel taem, el di tir el mo er ngii a mekngrit el reng er a rengrir el mo meruul e melekoi a mekngrit el kirel. Me a lak el ko er a ngodech, eng di ng mle uaisei a teletael, el mle blechoel luchul a klengit el reng el mei er ngak.

Eng di, tia el teletael a klemerang el ngak a milsang a ues. A kmal ko er a omtab er ngii, ea ko e ra Paulus, er a bo longedecheduch er a medal a King Agrippa, el ouchais er ngii a ues el lilsang er a lesang a llomes, el rengesii a ngor; eng di dirrek el dimle mekesai a rechad el mo oumerang er ngii; a rebebil a kmo ng mle cheblad, ea rebebil a kmo ng mle kesib a rengul; e ngii a ngilai a ongarm me a betok el mekngrit lomelekoi. Eng di aika el rokui a dimlak el temellii a klemerang el kirel a ues el lilsang. Ngii a milsang a ues, ng medengei el kmo ng milsang, me a rokui el ongarm er tia el beluulechad a diak el bol ngedechii; me te mo melemall er ngii el mo er a kodall, eng di ngii a medengei, e di medengeliu el mo er sel ulebongel el telil, el kmo ng milsang a llomes e rirngesii a ngor el mengedecheduch er ngii, ea beluulechad a diak el sebechel mo ngodechii a loumerang er ngii.

Meng mlo uaisei. Ak meral milsang a llomes, ea chelsel tiaikid el llomes eak milsterir a reterung el Chad, e tir a meral milngedecheduch er ngak; me ak mo chetirir a rechad e mo ngmai a ongarm el kirel a ues el kilsnag, eng di ng klemerang; me sel loruul a mekngrit el mei er ngak, e louketui er ngak, e lolekoi a betok el teko el diak el klemerang el kirek, ea kmo melbedebek e ra chelsel a renguk el kmo, Ngerang me komelemall er ngak a kulekoi a klemerang? Ngak a meral milsang a ues; e ngak a ktechang el mo mtekengii a Dios, me a lechub e ngerang me a beluulechad a melasem el meruul er ngak el mo diak kuumerang er a kilsang el ues? Ak mla mesang a ues; ak medengeliu, e medengei el kmo a Dios a medengeliu, meng diak el sebechel el kmo ng diak el klemerang, e diak kulatk el mo meruul

er ngii, ele bok uaisei ea ktomellii a rengul a Dios, e bai mo nguemed.

Me chelechang eng mla mo mesubed a renguk er a teko el er a klechelid—el diak bok teloi er a ngii dil tang er tir, e di melemolem el uaisei el di merekmo kluut el ngmai a teko el er a Dios. Ak mocha medengeliu a klaumerang er a Jakobus el kmo ng kmal klemerang—el chad el ngesonges e ra llomes a sebechel loker er a Dios, meng mo ngmai, el diak a mo tomer ngii.

Ak milsang a ues; ak mle medengeliu. E mle medengei el kmo a Dios a medengeliu, meng diak el sebechel el kmo ng diak el klemerang, e diak kulatk el mo meruul er ngii.

Me ak millemolem el meruul a urerek el diosisiu er a bekel sils el mo lmuut er se er a lluch me a tang el kebesengil a Ongetiu el buil er a rak er a tal telael me a eiai el dart me a lluch me a edei, el ikaikid el taem el kngar er a ringel er a mekngrit lomerellir a

rekakerous el chad, a rechad er a klechelid me a diak, e le ngak el millemolem el di melekoi el kmo ak milsang a ues.

Chelsel a taem er a delongel el sel taem er a kising a ues me a rak er a tal telael me a eiai el dart me a lluch me a edei—el bla bo kudengei el kmo ng diak a ta er a ika el ikelesia el bok chad er ngii, e dirk kekerei el buik, ek charm er a ringel me a omelemall er tirke el tir a kirir el sechelik el kirir el meruul a ungil lomeruul el mei er ngak, ea lsekum e te ulemdaso el kmo ak mla mecheblad eng kirir el mo obang a ungil lomeruul e sobecheklak—Eng di ak di mle cheloit el di ngak er a rokui el ongetikaik, sel, kubengterir a rechad er a beluu, me ak blechoel el ruebet er a klebelung el omeruul, el ochotii a chelitechetul a klengeasek, me a chelbiruker lomeruul er a klechad; el ngii a, el ngii a mekngrit a renguk el kirel sel kulekoi, el ngii a ngilikak el osisebak er a kakerous el ongetikaik

el diak el ungil er a medal a Dios. Sel kombesar aika el kngtik, eng diak a chad el mo omdaso el kmo ak tilmellii a kmal klou e obraod el klengit. Sel reng el soal mo meruul a meklou e obraod el klengit a kmal dimlak er a uldesuek me a teletelek el chad.

Odngelel a Moroni

A mekngit lomeruul a millemolem el mo er a Joseph Smith e le ngii el dimlak el kotouar el kmo ng milsang a Dios. E se er a lluich me a tang el kebesengil a Ongetiu el buil er a rak er a tal telael me a eiai el dart me a lluich me a edei er a bocha lemechiuau, ea Joseph a milluluuch el mle soal el mo medengei el kmo ngua ngerang er a medal a Rubak. Ea anghel Moroni a mlo duum er ngii.

A kebesengei er tia el mla medung el lluich me a tang el kebesengil a Ongetiu el buil, el bo ak mechiuau, ea kmocha meluluuch el olengit a ngeseo er a Ngarbab el Dios el kirel a klausubes er a rokui el kngtik me a klebelenguk,



Edei el rak ruriull er a tia el Kot el Ues er a Joseph Smith, ea Dios a uldureklii a anghel Moroni el mo subedii e osischecklii er a mo teletelel a olutel a ebangkelio er a Jesus Kristo.

me a dirrek el ocholt el mei er ngak, me bo kudengei el kmo ak uangerang er medal; ele ng kmal mle klou a klaumerang er ngak el kirel a chedaol ocholt, el ua tia el kilsang.

Tiaikid el knga er a teletael el lomekedong er a Dios, eak milsang a llomes el me duum er a chelsel a rum er ngak, e millemolem el merael el mo klou el di ua le suelb a sils, e kmal di mle kiul el me chemolt a chad er bitang er a bet er ngak, el di dechor er a mellaongel, ele ochil a dimlak el bol retechii a ulaol.

Ngulubail er a medidai el chelliloil el bail el kmal mle imong el becheleleu. Ng kmal mle iimis el becheleleu el engelakl er a ngii dil ngerang el becheleleu er tia el beluulechad el bla kising; me a dirrek el diak kuumerang el kmo ngar er ngii a ngii dil ngerang er tia el beluulechad el mo becheleleu e medidiich el uai ngii. A chimal a di mle chemolt, me a dirrek el chimal, el telkib er bab er a berberel; me a, dirrek, el ochil meng di mle chemolt, me a ochil, er a telkib er bab er a berberel. A btelul me a iklel meng di mle chemolt. Ak mlo metik el kmo ng dimlak a ngodech el bail el loubail ng di tiaikid el chelliloil el bail, ele ng di mle teleu, meng sebechek el di mesang a bedengel.

Ng dimlak el dil becheleleu a bilel, ngika el tal chad meng mel klebokel el diak el sebeched el smodii, me a medal a ko er a bisebusech. Tia el delmerab er ngak a kmal mle mellomes eng di ng diak el mellomes el ua tia el kmeed er ngika el chad. Se er a kot el mesang, eak ko er a mlo medakt; eng di a dakt a di mle mereched el mo cheroid er ngak.

Ngii a ulemekedong er ngak er ngklek, e dilu er ngak el kmo ngii a oderuchel el mlodurokl er a medal a Dios el mei er ngak ea ngklel a Moroni; ea Dios a ngar er ngii a ureor el soal a bo kuruul; ea ngklek a mo er a ungil me a mekngit er a rokui el beluu, me a rechad, me a omelekoi, me a lechub eng di mo dul ungil me a mekngit er a omelekoi er a delongelir a rokui el chad.

Ngii a dilung el kmo ngar er ngii a babier el delekull, el lluches er a bebul a kolt el tibereberk el klalo, el ouchais a chisir a rekiliei el chad er tia el beluu, me a uchelir el bla er ngii el mei. Ngii a dirrek el dilung el kmo, a cherrengelel a diak a ulebengelel el Ebangkelio a ngar er chelsel, el mloadars er a Osobel el mo er a rechad er tia el beluu er a irechar;

E dirrek, el mla er ngii a teblong el bad el silber—ea ikang el bad el bereked er a tibereberk el deel a okodongall el kmo ng Urim me a Thummim—el delekull lobengkel aika el tibereberk el klalo; ea chad el mo olab aikang a olchotel a chad er a ulaoch er a irechar me a lechub eng ngar er mong el taem; ea Dios a mla kutmokl el kirel oidel tia el babier.

Tia er a ldung er ngak aika el tekoi, eng mocha ouchais er ngak a ulaoch er a Chuodel Renged. A kot eng dilu sesei el tekoi er a ongedei el bliongel er a Malakai; e dirrek



Se er a A.D. 421 ea profet Moroni a dilakel a chedaol el rekord er a rechedal er a Ked er a Cumorah. E liluut el mei el mla mekiis er a kodall el chad, e dilung er a Joseph Smith el kirel aika el rekord er a rechuodel, el ngii a obang a cherrengelel a ebangkelio el ngii a Osobel a ngiluu el mesterir a rechad el kiliei er a beluu e a America. Tiaikid el record a Babier er a Mormon.

el mlo mesaod er a ongeuang me a lechub eng ulebongel el bliongel er a osisiu el ulaoch, el ua dil telkib el ngodech er sel donguiiu er ngii er a Biblia. Sel uaiia lteletelel a donguiiu er ngii er a babier kid, e ngii a kuk millekoi er ngii el ua tiakid:

“Ele sel, sils er a omelul el ua oven a meremang, el tirke el ngarbab a rengrir, choi, tirke el rokui el meruul a meknig it a mo medul; ele tir a mo medul, ngii el Rubak er a Rokui a mla kmung, el medul el di mo diak a mo medechel.”

E lmuut, ng dirrek el mlo dulii a ongeim el bades el kmo: “Ea, kmo ochotii er kemiu a Priesthood, lokuu a chimal a Elijah el profet, e ruhei er sel sils el lemei a Rubak.”

Ng direk el mlo dulii sel ongingil bades el ua tiakid: “E ngii a mo dolemii er a rengrir a rengalek a telbiil el miruul el mo er a redemerir, me a rengrir a rengalek a mo moluut el mo e ra redemerir. Ea lsekum eng diak el meketmokl, e tia el rokir el beluulechad a mo nguemed sel lemei.”

A ongingil aikang, eng mlo dulii a ongeteruich me a tang el bades er a Isaia, e kmo ng mochu meketmokl. Ng dirrek el mlo dulii a ongedei el bliongel er a Rellir, lluch me a erung me a lluch me a edei el bades, el kmal di uaiia ike el ngar er a Beches el Renged. Ngii a dilu el kmo ngkel profet a Kristo; eng di sel sils a dirkak lemei “el tirke el mo diak el rengesii a ngerel a mo nguemed el mo dibus er a delongelir a rechad,” eng di tiang el sils a kmedung el mei.

Ng dirrek el mlo dulii a ongerung el bliongel er a Joel, er sel lluch me a eiai el bades el mo er a ulebongel. Ng dilu el kmo tiang a dirkak el meketmokl, eng di ng mochu meketmokl. Ng dirrek el dilu el kmo sel cherrengelel a re Gentile a mochu meketmokl. Ng dirrek el dilung a kmal betok el bades er a chedaol llechukl, e dilung a kmal betok el omsodel el diak el sebechek el llemuches er a chelechal taem.

Ng liluut el kmu er ngak el kmo, sel bok ngai aika el tibereberk el klalo el lolekoi—ele ng

dirkak el bo el temel ngeiull—eng diak el kirek el olecholt el mo er a ngii dil chad; el obengkel a Urim me a Thummim; ak di mo ocholt el mo er tirke el tir a ngak a mo nguu a kengei me a llach el mo ocholt el mo er tir; ele lsekum ea kucholt eak mo metemall. Tia er a losaod aika el

*A ues a ulebok
er a uldesuek
meng mlo
sebechek el
mesang a basio
el ngii a delekull
er ngii aika
el tibereberk
el klalo.*

tiberberk el klalo el mei er ngak, ea ues a ulebok er a uldesuek meng mlo sebechek el mesang a basio el delekull er ngii aika el tiberberk el klalo, el kmal mle bleketakl e kltukl me ak mle medengeliu tia el basio er a bo kuldingel er ngii.

A uriull er tiang el cheldechoduch, e ngak a milsang a llomes er a delmerab el mocha

mechudel el iliuekl er ngika el chad el milngedecheduch er ngak, e millemolem el uaise el mo el luueta delmerab el mlo milkolk el di mlo sel meliuekl er ngika el chad; e ngii, a dimle kiul, obok el mo er bab el mo er a eanged, e ngii a merolang el mocha dibus, e tia el delmerab a liluut el mo uai ngii er a uchelel rucheil er a belecholt tia el llomes er a babeluades.

Ak mechiuau el omdaso el kirel tia el ngodech el tekoi, el kmal ko er a mechas a renguk er a ika el tekoi el mla medung er ngak er ngika el oderuchel; eng di, tiaikid el kulbedebek, eak liluut el mo melchesuar a delmerab er ngak el luueta el mocha mellomes, e di mle tal busch mad, el uai tia mla mo merek, ea osisiu el oderuchel er a babeluades a ngar bita er a dukellek.

Ngulemuchel, el luueta el mo omelekel aika el diosisiu el bla ldung er sel kot el odingel, el dimlak a telkib el mo ngodech; ea lemerkong, eng ulemeklatk er ngak er a klou el blals el merekung er a beluulechad, el uldimukl er a klou el telemall er a bosch, mea oles, me a meknigil el rakt; el ikaikid el blals e mo er ngii

er a beluulechad er tiaikid el telcheroll. A lemerkong el ouchais aika el tekoi, eng liluut el merael el di uaia uchelel.

Tiaikid el taem, ea berredel aika el tekoi a kmal mle mesisiich er a uldesuek, meng dikea kulchesuar a klulaul, me ak mechiuau el mechas a renguk el kirel aika el blak ues e remenges el tekoi. Eng di sel kmal chilsir a renguk a tia er a kluut el mesang a osisiu el chad el dechor er a bita er a dukellek el omelekel, me a lechub eng luueta el melekoi a diosisiu el tekoi er ngak el uai kal mlamo merek; e milskak a uletklatk el kmo, a Diablong a mo melasm el mengesuseu er ngak(ele blekeradel er a meringel el teletelel a chelebuul er a telungalek er a demak) el melai aika el tibereberk el klalo el



A Ked er a Cumorah a locha edei el mael a cheridel er a diluches er a sersir a telungalek er a Smith el ngar er a beluu er a Palmyra, er a New York. Se er a taem er a Joseph e sel bedul ongos a di chudel, ea bedul a diluches a di kerrekar e oreomel. Aika el tibereberk el klalo a mle delakl er bedul a diluches, el diak el sal cheroid er a bebul. Siasing: Ongeiai el buil er a 1907.

mo uchul eak mo merau. Ngullekebai er ngak, e dilung el kmo ng diak el kirel ngar er ngii a ngodech el uldaso el kubang e mo melai aika el tibereberk el klalo, ng di kirek el mo oldanges er a Dios, e diak el kirek el mo mechetakl er a ngii dil uldaso el ngodech el diak el ngii a okedecherul a rengedel a Dios; ele lak eng diak el sebechek el ngmai.

Uriul er tia el ongedei el odingel, eng liluut el merael el mo er a babeluades el uaia ika el mla mo merek, e ngak a kuk mocha melbedebek er a uldesuek el kirel tia el teletael; el kmal dimlak el meketeket er a lorael ngika el oderuchel er a babeluades er a ongedei el taem, eng meresngang

a malk, me ak mocha medengei el kmo ng tutungang, me tia el cheldechedemam a locha ngiluu tia el tal kesus.

Ng dimle telkib eak mekisang er a dukellek, el, di uaia bekel sils, eak mlo oureor el di uaia bekel taem; eng di, sel kulasm el oureor el uaia bekel



A Moroni a ulemais el mei er a bekel rak e ulechais a mo teletael el mo er ngika el ngeasek el profet. Uriul er a euang el rak, ea Joseph a mlo sebechel ngmai aika el tibereberk el klalo e mocha omuchel er a urerel oidel a Babier er a Mormon.

taem, eak mlo metik er ngak el kmal diak a klisichek el oureor. A demak, el kimdilak el oureor, a mlo metik el kmo ngar er ngii a ngodech, e dilu er ngak, me kbo er a blai. Me ak merolang el bedul a blai; eng di, bo kulasm el mo oleong er a sersel a sers el ki bla er ngii, eng di mlo diak a klisichek, me ak mo moat er a chutem, el telkib el taem el diak kudengeli a renguk.

A kot el tekoi el sebechek el dobedebekii a ngor el mengedecheduch er ngak, el oleker er a ngklek. A kulemes er bab, e milsang a osisiu el chad el dechor er a bebul a bteluk, el iliuekl er

a llomes el di uai ka el mla mo merek. Ng liluut el melekel aika el bla el dung er ngak er a kesus, e dilu er ngak el mo subedii a demak el kirel a ues el kilsang me a llach el bla kngai.

A kulerrenges; e liluut el mo er a demak er a sers, e mocha subedii er tia el rokir el teletael. Ng dilu er ngak el kmo tia mla er a Dios, e dula er ngak el kmo bo mruul aike el dilung er kau ngika el chad er a oderuchel. Me ak milrael, el mlo er tia el basio el ngika el chad a silbedak er ngii el kmo ng delekull er ngii aika el tibereberk el klalo; el ultuil er a kmal ungil e bleketakl el ues el kilsang, ea kmal mle medengeli tia el basio er a kbochang.

A Chedaol Rekord

A di kmeed el kekerei el beluu er a Manchester, el ngar er a beluu er a Ontario, el ngar er a New York, a dechor ngii a kiklou el ked, el kot el kedidai er a rokui el ked er tia el basio. A mo bedul a ngebard er tia el ked, el diak el sal cheroid er a bebul, er a cheungel a kiklou el bad, a ngar er ngii aika el tibereberk el klalo, el ngar er a chelsel a kahol el bad. Tia el kahol el bad a mle okrokr a bebul e omulk a belngel, e meliliuit a ulebengelel el mo er a tkul, me tia el bebul a di meues er a bebul a chutem, eng di tkul a delakel er a chutem.

Ak kurrekork a chutem e ngiluu a ongimer el otungii er a cheungel a ulebengelel tia el bad, e di milkekokak e mkisii. A kulmes er a chelsel, e meral miles aika el tibereberk el klalo, me a Urim me a Thummim, me a kaba el deel, el di uaia lulkekoi a oderuchel. A kahol el bla er ngii a meruul el longades a bad er a chelsel el ko er a sment. A btil tia el kahol a mla er ngii a teblong el bad el delbard er a chelsel, ea bebul aikaikid el bad a mla er ngii aika el tibereberk el klalo me a lmuut el bebil er a klalou a ulebengkel.

A leko eak mo melai el oltobed, eng di ak mlo kebai er a oderuchel, e mluchais el kmo a temel el mo mengai a dirkak el lemei, e diak el bol tobed, el di merekmo rekil euang el rak er sel taem; eng di ng dilu er ngak el kmo ng kirek el

mei er tiaikid el basio er a melemalt el tal rak er tia el sils, e ngii a mo mesekak e risei, e mo melemolem el uaise el di merekmo le bo er sel taem el bo kulai aika el tibereberk el klalo.

Ngotireklel, a tekoi el mildung er ngak, eak mlong er a ulebengelel a bekel rak, ea bekel taem el kbong ea osisiu el chad er a oderuchel a ngar er ngii, me ak ngilai a osisechakl me a llomes er ngii e ra bekel taem el kim kaseues, el kirel a bo loruuul a Rubak, el kmo ng mekerang e uangerang a teletelel a rengedel er a uriul el klebesei.

Sel mo bedul a ngebard er tia el ked, el diak el sal cheroid er bebul, el eungel a di ungil a klungel bad, a ble el delakel er ngii aika el tibereberk el klalo, el ngar er a chelsel a kahol bad.

Ng teletelel a delengcheklel a demak el kmal kosekodel, eng kiram el oureor lolab a chimomam, el meruul a urerir a rechad me a lechub, eng sel blo er ngii a techall. A bebil er a taem ea ki ngar er bali, ea bebil ea ki dibus, me tia el melemolem el ureor el uaisei a uchul eng mle sebecchemam el ungil a delengcheklam.

A Joseph Smith a ulereor a kakerous el ureor meng mlo sebecchel el ungil a

delengcheklel me a telungalek er ngii. Se er a 1825 e ngiluu a ureor er a beluu er a Chenango, er a New York. Tiaikid e ngii a mle kebetech ngii me a Emma Hale, e te mlo bechiil er a teruich me a eiai el kebesengil a Kot el buil er a 1827.

Meng mocha, taem el ngeiull aika el tibereberk el klalo, me a Urim me a Thummim, me a deel el kaba. Meng lluich me a erung el kebesengil a Ongetiu el buil, er a rak er a tal telael me a eiai el dart me a lluich me a euid, el kulemais el mong er a bekel rak er tia el basio el delekull er ngii, ea osisiu el oderuchel er a babeluades a ngilai el meskak e ulterekokl er ngak el kmo: ng kirek el mo oungerachel; ea lsekum eak mechei

meng remiid el terkekkek a uchul, me a lechub eng mo beot a renguk el kirel, ea kmo nguemed; eng di alsekum ea kuusbech a rokiu el klisichek el mo ungil mtebechel, el di merekmo ngii, el oderuchel, a lmuut el me melai, eng kirel mo ungil meketmokl.

Ak di mle mereched el mo medengei el kmo ngera uchul meng mlei er ngak a meringel el ngerachel el mo klekar el kirel, e ngera uchul me a oderuchel a dilung el kmo sel bok merek el remuul a kirek el meruul, e ngii a lmuut el me melai. Ng dimlak el meketeket e ngobriid a tekoi el kmo a kulab, ea rokui el klisiich a mlo er ngii el melai er ngak. A rokui el teletael el sebecchel mudaso a mlo er ngii el kirel omeliul aika el tibereberk el klalo er ngak. A odechellaki a mirael el mo meringel, ea rebetok el chad a mle blechoel el melachel er ngak el sorir el melai omko eng mlo sebeccherir. Eng di ngultuil er a llomes er a Dios, eng mlo medechel el kltmokl er a chimak, el di merekmo lemerkong a usbechek er ngii el kirel a ureor el kuruul er ngii. Se er a, bocha el temel, ea oderuchel a mle melai, me ak ngilai el msang; e ngii a olab e oungerachel el me lmuut er chelechal sils, el ngii a ongerung el kebesengil a Ongeim el buil, er a rak er a tal telael me a eiai el dart me a okedei me a eiai

Se er a eim el kebesengil a Ongeuang el buil, er a 1829, ea Oliver Cowdery a mlei er a blik, el tiaikid el taem eng dirkak a tal kisang el chad. Ng dilung el kmo ngolisechakl er a skuul er sel basio el kiei er ngii a demak, ea demak a ta er tirke el chad el oldubech er a rengalek el mo er a skuul, eng mlo kiei er a blil el telkib el taem, me seikid ea telungalek er ngak a ulechais er ngii aika el tibereberk el klalo el kulab, me tiaikid a uchul eng merema osiik er ngak e oker.

Erul klebesei ruriul er a bla lemei a Mr. Cowdery (el ngii a euid el bebesengil a Ongeuang el buil) eak mocha omuchel er a oidel a Babier er a Mormon e ngii a mlo melchesek.

Se er a Ongeuang el buil er 1829 ea Joseph Smith, me a Oliver Cowdery el melchesel, a mocha omuchel


er a oidel a Babier er a Mormon loku a sengk me a klisiich er a Dios. Se er a bol merek a Joseph Smith ea rebebil er a rechad a mlo sebecherir el mes aika el tibereberk el klalo. Tirka el sioning a dirrek el liluches a klaumerang er tir, ele “a ngerir a terung me a lechub eng tedei el sioning eng mo moterekokl a rokui el tekoi” (2 Korinth 13:1).

Olutel A Priesthood

Me a ki dirk melemollem er a ureor er a oidel, e tia, el merael mei el buil el (Ongeim el buil, 1829), er a ta er a sils ea ki mlo e ra oreomel el mo meluluuch el oker er a Rubak el kirel a tekoi er a techolb e chelid el kirel a ngbetel a klengit, el ki biltik er ngii er tia er a ki moleiuuid aika el tibereberk el klalo. Me tia er a kim nga e ra teletelel, el meluluuch el omeke dong er Rubak, ea oderuchel el mla er a babeluades a mle metengel er a llomes er a



A Joseph Smith me a Oliver Cowdery a ngiluu a Priesthood er a Aaron loku a omor er a chim er a Johannes el Techolb er a teruich me a eim el kebesengil a Ongeim el bui er a rak er a 1829.



A Ikelesia er a Jesus Kristo er a Uriul-klebesei el Santo a milketmokl er a bliil a Peter Whitmer Sr. er a elolem el kebesengil a Ongeuang el buil er a rak er a 1830. Ng kmeed el okolem el chad a mle sioning er a retelolem el meklou el sechal er a bol kldibel el ketmokl aike el kirel ketmekill er a chelsel a beluu er a New York el kirel a beches el klechelid el mocha rengii.

eabed, e mocha ngmai a chimal el lochang er a bebul a btelmam, e oterkeklemam, el kmo:

“Kemiu el mesiou, lultuill er a ngklel a Messiah, ea kmeskemiu a Priesthood er a Aaron, el ngii a obang a kiis er a omeruul er a reanghel, me a ebangelio er a ouuchel el reng, me a techold e chelid el mo modulb el kirel a ngbetel a klengit; e tiang a diak el luut el mengai er a beluulechad el dimerekmo ngelekel a Levi a leketmeklii a klikiid el uldars el mo er a Rubak.”


Ng dilung el kmo tia el Priesthood er a Aaron a diak a klisichel el omor er a chim el kirel a sengk er a Chedaol Reng, eng di tiang a ki bo mnguu e ruriull; e dilung er kemam el mo metecholb, e dilung er kemam me ngak a kot el tochelbii a Oliver Cowdery, ea uriull e ngii a tochelbak.

Meng mlo uaisei el ki blo metecholb. Me mak mle kot el tochelbii, ea uriull e ngii a tochelbak—eak mocha ngmai a chimak el lochang er a bebul a btelul e oterkeklii el mo nguu a Priesthood er a Aaron, ea uriull e ngilai a chimal lochang er a bebul a bteluk e oterkekklak el mo er a osisiu el Priesthood—ele ikaikid a mildung er kemam.

Ngkal chad er a oderuchel el mlei e oldingel er kemam e milskemam a Priesthood, a dilung el kmo a ngklel a Johannes, el diosisiu ngii

me ngkel Johanes el Techolb el ngar er a Beches el Renged, el ngar er a eungel a derreder er a Petrus, Jakobus me a Johanes, el tir a obang a kiis er a Priesthood er a Melkisedek, el ngii el Priesthood, ngii a dilung, a di telkib el taem ea ki mo nguu, e ngak a mo kot el Elder er a Ikelesia, e ngii (Oliver Cowdery) a mo ongerung. Tiang a mle teruich me a eim el kebesengil a Ongeim ea buil, er a rak er a 1829, e kemam a mloterekokl er a chimal ngkaikid el chad er a oderuchel, e nguu a techolb e chelid.


Uriull er a techolb e chelid me ki be mtobed er a ralm, ea ki mlo melchesiu a kmal meklou e klebokel el klengeltengat er a Demad er a Babeluades. Tia er ktechelbii a Oliver Cowdery, ea Chedaol Reng a mlei er ngii, meng mlo dechor e omlaoch el kirel a betok el tekoel el ngii a kmedung el mo er ngii. E dirrek, er se er a kmetecholb er ngii, eng dirrek el mlo er ngii a reng er a tekoel er a a ulaoch el kubang, er se er a, bok dechor, ea kulemlaoch el kirel a okisel tia el Ikelesia, me a lmuut el bebil er a tekoel er a



Ikelesia, me tia el telcheroll er a rechad. Aki kmal mlo mui er a Chedaol Reng, e uleldeu a rengmam er a Dios el kirel a diak a ulebengelel klengar kemam.

Tiaikid a beot, e bleketakl el klaumerang er a Joseph Smith, el meskid a bebil er a teletael el mlo uchul a Olutel a ebangkelio me a ketmeklel a Ikelesia er a Jesus Kristo er a Uriul-klebesei el Santo.

Al soam a mui el cheldechdeduch el kirel a Joseph Smith, e mesang a Joseph Smith—History el ngar er a Mekreos el Ngisel a Chesiuch me a lechub eng History of the Church, 12–79.



A Babier er a Mormon, a mle kot el meketmokl er se er a rak er a 1830, e mla meluches er a kmeed el okai el kakerous el bedengel a cheldechdeduch er a beluulechad.